



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatus De Statu Hominis Morali In Vita Et Post Mortem**

**Opfermann, Paul**

**Moguntiae, 1769**

Primorum Parentum lapsus.

**urn:nbn:de:hbz:466:1-40701**

boris curiosius intuita iudicavit, quòd esset bonus <sup>primorum</sup>  
*ad vescendum.* Unde S. AUGUSTINUS L. 11. de <sup>rum</sup>  
*Gen. ad lit. c. 30.* Quando, inquit, his verbis cre- <sup>pa-</sup>  
*deret mulier à bona atque utili re se fuisse prohibi-* <sup>ren-</sup>  
*tos, nisi jam inesset menti amor ille propriae potestatis,* <sup>tum.</sup>  
 & quaedam de se superba praesumptio, quæ per il-  
 lam sententiam fuerat convincenda, & humilian-  
 da? & ibid. c. 5. Nec arbitrandum est, quòd es-  
 set hominem dejecturus iste tentator, nisi praces-  
 sisset in anima hominis quaedam elatio comprimen-  
 da. Id ipsum subinde fuit Adami peccatum: unde  
 Deus v. 22. *Ecce Adam quasi unus ex nobis factus*  
*est, sciens bonum & malum.* Eva nimirum  
 cum à serpente seducta gustasset, nec mali sensisset  
 quidquam; ad virum confestim advolans, quæ sibi  
 à serpente promissiones factæ fuissent, exponit.  
 His promissionibus stimulatus Adami animus quam-  
 dam omniscientiæ divinæ prerogativam mox appe-  
 tit, scire videlicet bonum, & malum, ut per se ipsum ac  
 viribus naturæ & ingenii sui in omnibus dirigere sese  
 posset, discernendo ac eligendo, quod bonum & quod  
 malum esset, cavendo, sicque plenam perfectamque fe-  
 licitatem assequeretur, quasi Deus quidam esset, qui à  
 nemine dirigi vel adjuvari deberet. *Ambo itaque, sc.*  
*diabolus & homo, adfectarunt altitudinem, ille po-*  
*tentiæ, iste scientiæ, inquit CORNELIUS à Lap.*  
*in h. l.* Istud verò superbiæ peccatum mox secu-  
 tum est alterum inobedienciæ, cum divinæ legis  
 ingrati prævaricatores utriusque extiterunt.

Quantò felicior fuerat primorum parentum con- 45.  
 ditio, cum in statu innocentiae viverent; *vivebat* <sup>Pœnæ</sup>  
 enim homo (ut loquitur S. AUGUSTINUS L. 14. de <sup>primorum</sup>  
*civ. c. 26.) in Paradiso sicut volebat, quamdiu* <sup>rum</sup>  
 hoc <sup>pa-</sup>

ren- hoc volebat, quod Deus jusserat; vivebat fruens  
 tum. Deo, ex quo bono erat bonus; vivebat sine ulla  
 egestate, ita semper vivere habens in potestate.  
 Cibus aderat, ne esuriret, lignum vitæ, ne illum  
 senectæ dissolveret; nihil corruptionis in corpore,  
 vel ex corpore ulla molestias ullis ejus sensibus in-  
 gerebat. Nullus intrinsecus morbus, nullus ictus  
 metuebatur extrinsecus. Summa in carne sani-  
 tas, in anima tota tranquillitas. Sicut in Pa-  
 radiso nullus æstus, aut frigus; sic in ejus habi-  
 tatore nulla ex cupiditate, vel timore accedebat  
 bonæ voluntatis offensio. Nihil omnino triste, ni-  
 hil inaniter latum; gaudium verum perpetuaba-  
 tur ex Deo, in quem flagrabat charitas ex corde  
 puro, & conscientia bona, & fide non ficta, at-  
 que inter se conjugum fida ex honesto amore socie-  
 tas; concors mentis corporisque vigilia, & man-  
 dati sine labore custodia. Non lassitudo fatiga-  
 bat otiosum, non somnus premebat invitum; tan-  
 tō graviores miseriæ & calamitates, velut agmine  
 factō, in hominem prævaricatorem irruerunt. Vix  
 enim fructum vetitum gustaverunt, continuo aper-  
 ti sunt oculi amborum: gratiæ videlicet & justitiæ  
 originalis tegumento spoliati adverterunt nuditatem  
 suam, motusque concupiscentiæ rebelles rationi  
 senserunt; cumque audissent vocem Domini, mox  
 Adam inter densissimas Paradisi arbores sese abscon-  
 dit: uterque autem damnationis suæ sententiam au-  
 dire meruit. Et mulieri quidem dixit Dominus:  
 Multiplicabo ærumnas & conceptus tuos, h. e.  
 ærumnas conceptuum, in dolore paries filios, &  
 sub viri potestate eris, & ipse dominabitur tui.  
 Adamo autem dixit: Quia audisti vocem uxoris  
 tuæ

tua, & comedisti de ligno, ex quo praeceperam tibi, ne comederes, maledicta terra in opere tuo: in laboribus comedes ex ea cunctis diebus vitae tuae . . . In sudore vultus tui vesceris pane, donec revertaris in terram, de qua sumptus es: quia pulvis es, & in pulverem reverteris . . . Et emisit eum Dominus Deus de Paradiso voluptatis, ut operaretur terram, de qua sumptus est. Gen. 3. Ex quo igitur divinam legem prævaricatus Adam fuit, labores, miserias, omnesque vitae hujus calamitates experiri debuit: gratiæ spoliatus donis, mortis sententiam in se latam audiit: se omnemque suam posteritatem malis longè gravissimis objecit, nec iis duntaxat temporariis, sed nullâ etiam æternitate finiendis.

§. III.

*Resolvuntur aliquot quæstiones.*

QUAESTIO I.

*An Diabolus veri serpentis organo usus Evam seduxerit?*

**E**vam non voce externâ fuisse tentatam, sed in-  
 ternâ suggestionem dæmonis, qui serpentis no-  
 mine à Moysse metaphoricè significetur; opinio fuit  
 Cajetani. Olim S. CYRILLUS L. 3. contra Julian.  
 & EUSEBIUS in *Cosmopœia* putarunt, dæmonem  
 hic non verum serpentem, sed speciem serpentis  
 duntaxat, & formam induisse, eo modo, quo An-  
 geli aëreo induti corpore apparent, tametsi verum  
 corpus humanum assumpsisse videantur. Quamvis  
 SUAREZ L. 5. de amiss. statûs innocent. c. I. exi-  
 stimet, S. Cyrillum hanc sententiam non ita aper-  
 tè

46.  
 Variæ  
 sen-  
 ten-  
 tiæ.